

Bh. banke brzo reagovala na ideju firme "Family plus"

Kredit i za čuvanje matičnih ćelija djece

Za čuvanje matičnih ćelija, koje se koriste u liječenju brojnih bolesti, moći će se dići krediti na deset godina uz kamatu od 7,99 odsto

Roditelji koji žele čuvati matične ćelije iz pupčane vrpce svoje bebe, od prije godinu dana to mogu uraditi i u BiH i to po cijenama od 1.985 ili 2.300 eura, zavisno od paketa usluga koju traže od certificirane firme "Family plus". Ovih dana će za to moći podići i namjenski kredit.

Gledaju na standard

Do sada je iz Bosne i Hercegovine preko 350 sačuvanih uzoraka, a trenutno vlada veliko interesovanje za usluge pohranjivanja matičnih ćelija i broj zainteresovanih roditelja je u znatnom porastu. Matičnim ćelijama se liječi veliki broj oboljenja.

- Imajući u vidu finansijski moment, odnosno cijenu usluga i standard u zemlji, pokrenuli smo inicijativu i pregovore sa bh. bankama sa ciljem kreiranja posebnih kreditnih linija, sa kojima bismo znatno olakšali finansiranje i uči-



čuvanje matičnih ćelija košta do 2.300 eura niti pristupačnijim građanima BiH usluge pohranjivanja matičnih ćelija koje nudi "Cryo Save Group". U cijenu su uračunati potrebni materijal, analiza krvi na viruse i infekcije, transport u slučaju

bolesti od banke do klijenta, kao i čuvanje ćelija u periodu od 20 godina - kaže za "San" izvršni direktor "Family plusa" u Sarajevu Vedran Mihajlović.

Prva banka koja je u saradnji sa ovom fir-

mom odlučila da odgovori na zahtjeve sve većeg broja zainteresovanih je Raiffeisen banka, koja je bh. tržištu ponudila kredit za finansiranje usluge čuvanja matičnih ćelija kod "Cryo Savea".

Dostignuća medicine

Kredit Raiffeisen banke za čuvanje matičnih ćelija će biti u visini cijene usluga, sa rokom otplate do deset godina i kamatom od 7,99 posto.

- Raiffeisen banka je prepoznala značaj čuvanja matičnih ćelija kao jedno od najvećih dostignuća savremene medicine. Nastojimo novim kreditnim proizvodom građanima BiH pomoći da omoguće sigurniju budućnost svom djetetu - kaže direktor Raiffeisen banke Mihael Miler.

Za uslugu čuvanja djetetovih matičnih ćelija uzetih iz krvi pupčane vrpce, građani BiH se mogu obratiti kompaniji "Family Plus" koja je partner "Cryo Savea" za BiH.

Ova kompanija je specijalizovana za profesionalno sakupljanje, transport, pripremu, pohranjivanje i čuvanje matičnih ćelija iz krvi pupčane vrpce, a odskora i čuvanje uzorka pupčane vrpce, koji je također jako bogat matičnim ćelijama. U ovoj svojevrsnoj "banci" sačuvane su matične ćelije više od 127.000 djece iz četrdesetak zemalja sa tri kontinenta.

A. Lovaković